

Edizione diplomatica



Bernard

Quan uei la flor lerba uert e la fuelha
E aug lo chan des auzels pel boscatge
Al autre ioi que ai en mon coratge
Dobra mos iois em nais em cres em
brueilha

Qe no mes uis q(ue) ren puesc ualer
Sel que no uol ior en amor auer
Qe tot cant es salegre sesbaudeia

Ia non crezatz qieu de ioi mi recreia
Nim lais damar per dan cauer esueilha
Camors ma sailh qem sobre senhoreia
Em fai amar qual queilh plasse uoler
E si eu am so q(ue) non deu escazer
Forsa damor me fai far uasalatge

Mas en amor no(n) a hom senhoratge
E qui lor quier uilanamen do(m)pneia
Quamor no(n) uol re quessar no(n) deia
Pabre e ricx fai am dos dun paratge
Qan lus amics uol lautre uil tener
Pauc pot lamor ab ergueilh remane(r)
Quergueils dechai efin amor capdrelh(a)

Hie sec sela q(ue) plus ues mi sergueilha
E selam fui qem fo de bel estatge
Canc pueis no(n) ui ni me ni mon mesatge
Per ques mal sal que do(m)pna macueilla
Mas dred len fauc qieu men fauc fol parer
Ca(r) p(er) sela qem torn en no(n) caler
Estauc ia tan de lieis q(ue) no(n) la ueia

Mas costum es toste(m)ps q(ue) fol foleia
E ia no(n) er qel eis lo ram no(n) cueilha
Quel bat el fer per cai razon qem dueilha
Car an mi pres dautrui amor e(n)ueia
Mas fe qi eu d(e) leis e mon bel uezer
Si desamor mi torn en bon esper
Ai mais ue lieis no(n) farai uilanatge

Ia nom aia cor felon ni saluatge
Ni contra me maluatz (con)seilh n(on) creia
Qi eu soi sos hom liges on qe mestia
Si que del cap d(e) sus li ren mor gatge
Mas ionchas li uenc a son plazer
E ia nom uueilh mais de sos pes mo(uer)
Tro per mercem tenha laios despreilha

Laigua del cor cam do los hueilh(s) mi myeilha
Mes ben guire(n)s qiey pen mon da(m)p(natge)[1]
E conosc be qieu ai dig gran folatge
Qar ai dig so qe samor mi tueilha

Mon messagier man amon bel uezer
Quaissilh qem tolc lo sen e lo saber

[1] Il copista aggiunge *natge* sul margine sinistro della carta, accanto al testo.

Image not found

[https://letteraturaeuropea.let.unipi.it/2016/07/01/tan-de-lieis-q-ue-no-n-la-ueia-3.png&itok=oEyFjEUQ](https://letteraturaeuropea.let.unipi.it/2016/07/01/tan-de-lieis-q-ue-no-n-la-ueia-3.png)

Image not found

https://letteraturaeuropea.let.uniroma1.it/q-sites/default/files/styles/350_px/public/1%20%285%29_0.png&itok=wKp4FIVR

Ma tout midons elieis que no(n) la ueia
Amicx tristans qar hieu nous pueſc uezer
A dieu uos do qualqe part mestia

- letto 516 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2357>